



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 14. S. Cœlestini Epistolæ Constantinopolim datæ.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V.

A. C. 432.

Idem ipse apud Hibernos litterarum usum invexit; antea nulla ibi monumenta publica, nisi versus leonini ab illius gentis Poetis, quos Bardes appellabant, compositi; his Patriæ Historia referebatur. S. Patricius bis præterea Romam iter suscepit, nempe anno 444. & 455. & circa annum 460. annos vitæ numerans octoginta tres, vivere desit.

## §. XIV.

*S. Cælestini Epistolæ Constantinopolim datæ.*

Sanctus Cælestinus Papa, acceptis in Natalitiis Domini an. 431. epistolis, quibus Nestori damnatio, & Maximiani Electio in Episcopum Constantinopolitanum nuntiabantur, eas in Ecclesia S. Petri recitari iussit, ut confirmaretur fides de Incarnatione, quod Mysterium illis festis commemoratur. Hanc lectionem universi populi plausus exceperunt. Papa deinde quatuor scripsit responsorias eadem die, Idibus Martii, Aetio, & Valerio Consulibus, nempe decima quinta Martii, anno 432. datas. Prima ad Concilium Ephesinum, scilicet ad Episcopos, qui interfuerant, dirigitur, sextus quippe mensis effluxerat, ex quo Concilium solutum fuerat. Papa Patribus gratulatur victoriam de Hæresi, Nestorii Depositionem, & ordinationem Maximiani, quem summo-

tom. 3. Conc.  
Eph. p. 1069.  
p. 3. l. 20.



summopere laudat. Dicit, quod eum Sæculum V. A. C. 432.  
 tanquam proximum Sifinnii Successorem habeat, sibi que Sedes sub Pontificatu Ne-

storii vacasse videatur. Dicit, se, sicut omnes Episcopos Catholicos, ordinationi Maximiani Spiritu interfuisse. Queritur Nestorium Antiochiam rediisse, cujus Episcopum in suas partes traxisset, hortaturque Patres, ut, si possint, efficiant, ipsum penitus amoveri, & in quamdam solitudinem relegari. Loquens deinde de Nestorii complicibus, dicit, in ejusmodi casu admodum circumspecte agendum.

*Si convertuntur, libertas iis fit redeundi, quæ illis negatur, qui cum Hæresis Auctoribus damnati. Hi interim excommunicati sint, & Sedibus suis pulsati, donec se Catholicos profiteantur, quamvis, Gratia ab Imperatore subreptitie obtenta, fuissent restituti. In causa Episcopi Antiocheni, si spes emendationis affulgeat, cupimus, ut ei scribatis, nisi novellam Hæresin, litteris sua manu signatis, damnet, fore, ut Ecclesia de ipso, quod fidei bonum exigit, decernat. (\*)*

Altera epistola ad Imperatorem Theodosium directa est. In ea Summus Pontifex laudat ejus pro fide zelum, probat ibid. c. 20  
 P 5 ordina-

(\*) Ex his tam Communio Ecclesiarum Orientalium cum Romana, quam Summi Pontificis in easdem Auctoritas comprobatur.



Sæculum V. ordinationem Maximiani, quem tanquam  
 A.C. 432. Ecclesiæ Romanæ membrum agnoscit  
 præcipue id urget, ut removeatur Nestorius,  
 quo ipsa Hæresis radicitus eyellatur. Sub finem  
 epistolæ causæ privatæ curam Imperatori commendat;  
 scilicet ut Illustris Dominae Probæ constitutionem  
 assereret; hæc cuidam agros, quos in Asia  
 possidebat, reliquerat hac conditione, ut major  
 pars reddituum alendis pariter Clericis, & Monachis  
 impenderetur, quod ille integra fide non exequi  
 batur. In tertia epistola ad Maximianum data,  
 hortatur, ut post tot ærumnas Ecclesiæ Constantinopolitanæ  
 statum repararet, Joannis in prædicando fortitudinem,  
 Attici adversus Hæreticos vigilantiam, Sanctamque  
 Sifinnii in moribus Simpliciter imitaretur. Sigillatim  
 monet Pontifex, ut vigorem sacerdotalem obiciat  
 Hæresi Celestii, id est, Pelagii, quorum Sectatores  
 in dies novos, ut resurgerent, conatus adhibebant.  
 Epistola quarta ad Clericos, & populum Constantinopolitanum  
 data. Papa totum hujus causæ ordinem refert,  
 periculum, quod evaserant, memorat, sollicitudinem,  
 quam ipse presserat, S. Cyrilli zelum, ejusdemque,  
 ut Nestorium ad saniora reduceret, conatus; quæcunque  
 ipse Papa fecisset, postulat a Nestorio Concilium,  
 cui tamen se sistere non esset ausus.

c. 22.



& denique auxilium a Pelagianis quæsi-  
tum. Deinde Papa Ecclesiam Constanti-  
nopolitanam hortatur, ut bono affectu  
audiant Maximianum, non nisi antiquam  
Doctrinam, quam in sinu Ecclesiæ Roma-  
næ hausisset, prædicaturum, & in fide  
constantes permaneant. Quatuor istæ  
epistolæ per Joannem Presbyterum, &  
Epictetum Diaconum, qui epistolas Con-  
stantinopoli scriptas, Romam attulerant,  
missæ. Cum vero Romam ad Christi  
Nativitatem pervenerint, conjectura est,  
ipso circa festum Resurrectionis, quod  
hoc anno 432. in tertiam Aprilis incide-  
bat, Constantinopolim attigisse.

Sæculum V.  
A.C. 432.

§. XV.

*S. Cœlestini obitus. Sixtus III. Papa.*

Sanctus Cœlestinus Papa datis his epi-  
stolis haud ultra tres septimanas su-  
perstes fuit. Obiit sexta Aprilis, ejusdem  
anni, cum Sacram Sedem annis novem,  
& decem mensibus tenuisset. Ab ipso  
institutum dicitur, ut ante Missæ Sacrifi-  
cium Psalmi canerentur, cum prius solum  
Epistolæ S. Pauli, & Evangelium legeren-  
tur; ex his haud dubie colligendum,  
hunc Papam jussisse, ut Psalmus in Introi-  
tu Missæ recitaretur, sicut S. Augustinus  
testatur, suo ævo Carthagine morem in-  
vectum, ut ad Offertorium, & Commu-  
nionem Psalmi canerentur. S. Cœlesti-

Sup. XXIV  
§. 32.  
II. Retract.  
c. 2.

NUS